

阿差末喜
隆經

第
四

百
一
周
四

47778



元祿九年丙子二月日重脩

皇國聖蹟

佛日增輝 轉法輪常轉

山城州天安寺法金剛院置



阿差末菩薩經卷第四

周

西晉三藏竺法護譯

阿差末菩薩謂舍利弗言菩薩習智入於諸法故無所差是名曰慧有十六事不與慧合何謂十六用無明故而起陰陽從生老死皆不與慧同諸所作爲亦不同塵亦復不與六十二見而雜錯也不自貢高亦不卑己有利無利若譽若謗若稱失名若苦若樂過世八事貢高自大謙卑恭順俗間有是二十一事不與合同去衆煩惱不爲愚冥覺悟睡眠脫諸恐懼不與罪合及諸心垢不除五陰因至生死身魔罪魔死魔天魔而共合也一切衆生

我人壽命諸所希望而造因緣諸有希望俗
間之念當介不介是與非事皆縛著業有所
貪慕與誠反矣不奉禁誠奉禁誠者忍辱瞋
恚精進懈怠一心亂意智慧愚冥以度無極貢
高謙遜皆離是事堅住不住謂梵志也定意堅
強功德剛柔消一切念使無有餘便屬無為
國土好醜衆生吉凶一切善惡愚慧識明生
死滅度諦與不諦離一切念其智者無所覩
無有見無有想不想泥洹何謂為慧察之計
校八法功德曉了八法何謂為八曉於五陰
了四大解六衰別四諦達十二緣暢明三世
識分別一切羅漢及緣覺至菩薩演諸法何

謂曉五陰諸所生滅猶如幻化夢中所見芭
蕉野馬山中之響鏡中之像水中泡沫觀於
諸色我人壽命解色如此痛如水泡想若野
馬生死若芭蕉識者如幻計水泡沫野馬芭
蕉幻化所以者何此微妙故其微妙者無我
無人無壽無命是曉五陰我人壽命猶如幻
矣識亦如幻是曉五陰五陰墮俗世相者
睽現便無是為世相其世相者非常苦空非
身之業其知是者曰曉五陰何謂了四大地
水火風其法界者不為剛強水者法界則無
有水火亦法界不以自熱風者法界不用動
搖其四大者謂眼所識計於法界不以眼視

視悉知之其法界者不以耳而聽聲鼻不向
香口不味味身不細滑意不著法悉解法界
悉以具足衆生法界如講授之嘆情志性法
界平等平等如稱欲界法界亦等如稱色無
色界法界悉等如稱生死之界泥洹之界法
身之界等稱如空法界亦如所以者何有德
無德亦等如空而無有異亦不可量悉叵稱
載其泥洹界亦復若茲不可講說此入法界
是名曰智号了四大何謂解六衰如佛言曰其
眼亦空而無吾我亦不無我是亦悉空所以者何
解我空者在於諸衰而不爲衰是則名曰解於
六衰諦計六衰不著不斷是爲菩薩解於六

衰眼色為衰所視不墮所以然者不中道取
證耳鼻口身意亦悉如是是曰菩薩解於六
衰何謂六衰其能分別六衰別六衰已便入
于道不別衰者則非是道又如菩薩用大哀故不
近不遠以衆生故不捨大道亦不離施是曰菩
薩解於六衰何謂別四諦知苦習盡道不得
五陰處是曰知苦所生為習色現尋滅名曰
為盡得道無道心以等住故曰為道菩薩知
四諦而不取證所以者何護一切故是曰別
四諦復有三事何謂為三其真諦相審解如
本其世俗言假有号耳了真諦心不念有無
審解本者一切諸色悉為平等所以者何不

中道取證以相爲應是則名曰別於四諦阿
差末菩薩曰其諦有一無有二也所以者何
如來至真無所希望亦不想求色與無色無
所希望適得其中是別四諦復有五陰苦者
是惱之相好解空者是曰苦諦暢達五陰所
從緣起是曰習諦所見万物皆有想求別了
其意而不貪慕雖不求者亦復不忘是曰等
知盡滅之義不與去來今現在事而俱同塵
亦不住中是曰盡諦欲致道者了苦習盡不
在二事所謂二事猶豫結網是曰盡諦諦觀
察之知之爲苦是爲菩薩別於四諦一切所
見苦樂善惡心覩世間了其本末是曰苦緣

一切皆苦是名習解慕世苦不以爲求雖不求望不墮盡證所以者何不取證故是曰菩薩因知求道猶欲度水而不求船不能橫越思惟其便若得板木乘騎其上可以得度所以者何不憂不度不愁在苦作是行住如四諦教不以色諦而墮取證是曰菩薩別於諦矣意察生苦從緣生矣亦不從緣是曰知生一切所生亦無所生無有起者亦不滅盡不與滅意是曰意寂而苦滅矣樂知求勝而伏其心意解入此是曰知道不住其中所以者何慧無住故是曰菩薩別知四諦何謂達於十二因緣謂因無明便致生死如諸法教

其有所生了不可見亦不可知所以者何無
有生故亦非不生以了如斯因緣之事緣求
泥洹諦了衆生所行不等有上中下緣作罪
福故造行道所當致者興無生緣修諸法業
與道合者是爲名曰解十二緣設無是緣則
消除矣所謂消除謂無明滅無明滅者謂老
病死滅老死以滅能達此者解十二緣諸所
有因悉法所摠諸所有緣皆法所合其因緣
合非我非彼亦復不是我人壽命悉無所入
如是入者不在一切諸所有也其意普解是
十二緣菩薩悉欲具足諸法具諸法已皆了
無常不墮取證所以者何護衆生故是曰菩

薩解十二因緣何謂明三世悉知去意有德
無德觀身他人等無有異所以者何身有誤
失他人有過悉代悔之逮所作福因此福祚
發心求道是爲菩薩過去功德其當來意所
作功德悉用發心立菩薩願諸所發心以護
制持執心堅固不受濁意是爲當來今現在
意所作功德以政衆緣是爲功德悉捨諸穢
不隨非教是不離德所以者何近佛道故是
現在福察去來今信三世空觀三世法則以
智慧无元勸助去來今佛用善權故曰明三
世諸去法盡所以者何不可見故不以去德
而變其心諸當來法視無所生不以是疑察

現在法亦無所住則無處所所以者何不捨
道心是故名曰明於三世普達智慧過去以
滅當來未至現在無住智無破壞菩薩興德
悉欲合同是故名曰明於三世以慧悉念過
去功德所以者何今者所作皆前世福因發
來心當來發心故斯智慧業具足所願其現
在德不以爲難所以者何菩薩願故是則名
曰明於三世爲諸衆生於過去世悉知作德
所以者何護衆生故往古所教今續化之所
教訓者欲令其人見當來佛神足變化於法
道義便有增益有增益已亦增福利益諸群
黎佛以興世多所饒益其所誓願悉無罣礙

是則名曰明於三世何謂明解羅漢及緣覺
乘諸菩薩德若無佛者則無羅漢佛與于世
有羅漢法羅漢法者因聲聽解得聞聲者便
備誡禁誡禁以備謂以如誡以如誡者具戒
定慧度知見品是則名曰明解聲聞從是所
緣得阿羅漢知德無德而了非常得脫生死
在於三界悉厭衆欲達非常苦所以者何諸
法無常其泥洹寂亦無所有不求所生所以
者何畏生死故畏生死者不信俗業身如怨
讎四大若蚊六衰空野不願所生五趣周旋
受泥洹護如是行者明於聲聞何謂識解緣
覺者菩薩皆知云何緣覺所造立德所興功

柞出羅漢上所以者何所行精進超越過上
施與持戒聲聞不逮所以者何聲聞所行其
心局迮所奉供佛慧不足言既入佛法所學
樂小不愚不慧所以者何聞衆樂音而穢猒
之所學少少常喜懷恨依大德勉而樂尊務
所興施與思十二緣由求得脫己身校計獨
信守道從緣起行建立功德是則名曰識解
緣覺何謂暢解大乘之業所入曉德不可稱
載其乘廣大曠然無極為衆生黨行權方便
其德莊嚴不以爲難皆惠衆生之所欽樂以
度無極化成大乘悉知一切人心所行欲度
脫之越衆緣起不謂佛道爲難得也復以光

明照於衆生其心特尊卓然無侶度一切苦
曉了諸法無有陰蓋降伏衆邪皆令清和摠
攝道法三十七品威德殊特猶峙幢幡遊十
二緣不著不斷無諸所見憂感睡眠婬恚調
戲不可之事悉遠離之真以佛慧諸相種好
而爲綺飭以乘嚴己身口意行所以者何無
有罪咎是則名曰大乘功德大乘功德則是
天上天下衆生之度何謂一切衆生之度諸
法悉合謂脫不脫脫不脫者菩薩大士充續
功祚是名曰脫曉了生死所與功德謂身口
心以明曉了口作功德身立福祚身口心行
三事生死菩薩以緣曉知脫便願薩芸若諸

通敏慧是曰明達脫以復曉諸不脫者五度
無極入智度無極謂爲脫者不以爲難解度
無極常悉摠攝菩薩善權皆蒙光明照于一
切所以者何則以四事摠及他人無我無人
無壽無命無執無捨是故分別用脫之故造
菩薩願明解度脫謂於生死稍稍得進以無
所斷無所斷者不滅生死不滅生死者是爲菩
薩無所破壞所以者何不與無瞻勢者從事
以是故曰分別未脫空無相願以此法察曉
了諸見菩薩信故所以者何於三脫中能不
墮者是曰未脫謂不取證在於三界而無所
著是名曰脫雖在三界廣施方便所以者何

用明智故不墮取證是則名曰曉了脫德所
造功法皆以具足諸通敏慧以具通慧不離
普智是曉諸法阿差末菩薩謂舍利弗是八
事法與智慧合而不可盡是智慧法咸知分
明以能分明如佛法者無有殊異所以者何
以去睡眠非法之故是則願力便逮道法諸
經慧相智慧光明照於本際以入於慧諸欲
見者悉以曉了能至泥洹揔持慧故不離道
法以信智慧衆垢悉除其大智者則是諸法
之元首也自然慧者無有師主皆解諸欲而
無所著所以者何因逮道明以慧斷根故不
可盡衆想悉空所以造根由癡冥故欲致聖

明則以慧藥教守道者咸得正住其來學者
以慧訓誨各使得所用智慧明悉照癡冥各
今得明其無眼者悉護法眼僉得徹視無餘
慧明皆越諸色眞諦之慧無復結網以慧教
告其不伏者悉令自降爲諸闇冥顯智慧眼
不可盡慧靡所不入行莫不周所以者何暢
十二緣所宣智明解諸縛著今無誤失不以
生死而爲迷荒阿差末菩薩謂舍利弗菩薩
大士以慧揔攬入衆生心隨其所行皆見心
念明解分別群黎之黨無功德者以慧導利
菩薩智慧悉遍聲聞緣覺之乘上至正覺是
爲慧處斯菩薩學名曰智慧慧而不可盡演智

度無極暢不可盡說道品法時三万二千菩
薩悉得無所從生法忍阿差末菩薩復謂舍
利弗慈氏菩薩而不可盡所以者何其慈曠
大無邊際故仁若虛空不可限量所以無邊
者猶若衆生四大如空無所不周以慈普覆
亦如四大地水火風不可稱限故不可盡菩
薩弘慈亦復若茲不可窮極故曰無際猶空
無邊一一四大悉不可量衆生無盡仁不可
限故曰菩薩大慈無盡時舍利弗問阿差末
衆生四大數不可盡爲何作也阿差末曰地
水火風其數過藥草叢林時舍利弗復問可
爲衆生興引譬乎阿差末曰可假借喻不可

以民庶爲數極舍利弗問所喻云何阿差末
曰猶如東西南北四維上下合爲世界各如
江沙十方佛土合爲大海取一切人盡住海
邊各以一毛取海水數舉一滴水爲一江沙
人舉二滴水爲二江沙人如是滴數大海水
盡衆生之限不可盡極群黎四大亦不可數
亦復若斯菩薩大慈靡所不周阿差末菩薩
謂舍利弗若能弘慈其德福慶不可盡極舍
利弗言實不可盡阿差末曰若有菩薩聞衆
生數不可窮盡不恐不懼不以懷懍尔乃應
曰慈不可盡阿差末謂舍利弗言其弘慈者
是菩薩護復爲衆生有功效業所以者何無

有失故衆惡麁獷悉永消除伏衆怒害及諸
愛欲其有見者莫不悅顏所以者何無有衆
邪諸有恐懼咸悉盡索其道正端而無偏邪
悉能化導諸亂心者其有厄難徃就慰濟所
以者何欲度脫故諸有繫縛莫不散諸諭
諂者修備質朴唯學道要不慕世榮悉爲釋
梵之所欽奉以智慧察靡所不覩所以者何
護衆生故修四等心不懷異意悉棄塵勞入
佛要道持慧業者以德自嚴以起衆德三十
二相八十種好皆以具足諸不備悉度脫快
哉快哉泥洹顯道衆生不在八悖不閑之地
樂以法樂以法自娛揔攝衆欲不貪王土等

心衆生所行無異淨此普慧其犯戒者悉將
護之現忍辱力無得自用而懷慢恣不捨精
進禪思一心三昧正受其心不亂以智慧業
諸所聽受弘慈具足自從身出不依仰人不
從魔教所以者何以獲大安因智慧解恥諸
非法悉愈衆病覆護衆生常自安身亦安一
切羅漢法者但欲自護不護衆生當以大慈
加哀一切阿差末謂舍利弗言慈有三事何
謂爲三一曰慈施一切曉了慈施法等二曰
慈正真等三曰常以普慈加于衆生所謂等
者發菩薩心慈與法等謂成就業興慈普等
因成忍辱是謂三事慈不可盡阿差末謂舍

利弗言菩薩大士奉無極哀而不可盡何謂
爲人所去人者喘息爲本本者謂命菩薩至
行以哀爲本成大乘故猶轉輪王紫磨金輪
以爲始元然後七寶輒來具足菩薩大乘亦
復若斯以有大哀諸佛法寶普悉周備猶如
長者有一微妙清和之樂其音哀美入于骨
髓菩薩大士逮致弘哀愍念衆生過於骨肉
猶如長者而有一子愛之無極菩薩之業大
哀爲本然後具足所以者何爲一切教大哀
無諂無諂行者有弘哀故便不自大專自用
意亦不虛飾以至真行心中至真而無有異
是爲弘哀所以者何無有邪心以逮愍哀其

心敦誠亦無憍慢而自放逸順隨一切誘進
開化而度脫之身無所損以勢力故不貪壽
命則自愛已衆惡離散覆護衆生其心已淨
不捨貧匱諸厄難者所以者何不以勞故其
心堅固是則慤哀其心不退因入大道菩薩
真意能懃將護是爲大哀若爲諸佛作證解
明亦爲自己證明供養復至大哀其心清淨
所行無異所以者何能捨己安而安衆生見
危厄者身欲代之心不恊恨荷負一切不以
爲重堅志精進是名曰哀所以者何能忍辱故
其羸劣者將護救之若疾病者身體晁處其
心不惡欲以勞賚衆厄難故請講法者不以

爲倦具足道心隨人所喜隨人所喜者謂入
異學各得開解常抱功德以爲莊嚴身諸根
具而不墮苦因成愍哀心等無餘以安一切
所以曰哀無人諍訟所以者何無所貪故乃
能備哀心無悔恨常護禁戒悉樂導利一切
衆生身若金剛不可毀傷以身惠施無所慍
惜勸助他人令興功德是則愍哀雖身立德
而懷欣然不如勸人建立福祚不用福悅所
以者何常爲一切旣在欲中思察道慧不以
爲勞是則愍哀所造功德未曾懈倦爲無畏
施捨貪惓心欲使衆生成成所願思開達者
輒令建立無極大哀所以者何爲解發護勸

讚導首也若有犯戒及誹謗人菩薩靜定不
念是言所以者何常以佛戒教訓十方有行
惡者心哀傷之以如來忍誨無瞻勢及愚冥
黨所以者何化令其人內入佛法菩薩普教
令學於佛三十二哀亦不可盡阿差末復謂
舍利弗言菩薩大士一切所施以哀為本故
曰建立無極大哀亦皆以應布施持戒忍辱
精進一心智慧六度無極亦復備悉三十七
品所以者何獨能遊步無能為師所行安諦
而無瑕穢以慧愍成一切衆生曰菩薩哀為
不可盡何謂菩薩喜不可盡所由等心為不
可盡所以者何思察法典其心悅豫不以為

勞捨諸音樂不以爲樂心普住法以法自娛
身意降伏所謂伏者見人所作不應義理衣
毛爲豎心悲雨淚好菩薩道其心欽樂願如
來身而具諸好三十二相以爲莊嚴諸法功
勲常欲聽經未曾厭飽恒執經文常欲堅
持以應法者不以世勞而在心懷常以法樂
而以自娛等心一切隨其所喜而開化之所
以者何各令得所如佛法教是曰行喜執意
寬弘不違如來至真之法也究暢威靈其羸
劣者心不慕法諸貪餘者心不清淨雖在三
藏不懷自大能謹慎者代之歡悅其犯非者
加之愍哀顯示道徑身心以越惡趣恐懼堅

奉戒法猶如來禁等無差別若罵詈者心不
恟恚伏令柔輒尊敬長老謙遜年幼顏色常
和心無錯亂應人隨順先人問訊未曾諛諂
是則名曰菩薩行護而不可盡阿差末謂舍
利弗菩薩神通亦不可盡何謂神通一曰天
眼二曰天耳三曰知他心念四曰知徃古五
曰飛行六曰漏盡何謂天眼計諸天龍捷沓
和及諸鬼神羅漢緣覺目所見者不如菩薩
目之所覩悉超於彼一切徹視無能及者為
尊為上為最殊妙巍巍無匹菩薩眼者靡所
不達覩諸徑路其眼所見周於十方無邊世
界諸有色像麁細大小遠近廣狹悉以天眼

見之明了一一分別因彼天眼見十方以觀
於五趣所生住處而察群黎生死所歸知其
報應所當獲果識斯根原亦復曉了諸根強
弱其十方界諸佛世尊國土功勳清淨鮮明
咸亦覩之察其戒淨以此功勳勸助已土常住
禁戒所願輒成以此天眼則觀諸佛不退轉
地諸菩薩衆適見斯義正士之黨學其所行
威儀禮節舉動進止安詳和雅立于法門揔
持辯才智智慧善權隨時方便教學具足以真
諦眼普見一切無所罣礙察一切色悉爲虛
偽無一真正以至誠眼亦見解脫及與結縛
以至誠眼見之本淨顯曜鮮明於諸境界悉

無所著以至誠眼不復起生塵勞結網見若
干冥不懷沉吟以至誠眼不任顛倒一切蔽
礙不順之法所視明徹用法光暉而照耀之
以至誠眼宣布聖慧不慕饒者因緣諸行未
曾懷恨無結無望不猗塵勞一切放逸以至
誠眼剖判勞倦馱賢聖者隨根所由而開化
之不違失相皆遣光明等照衆生以至誠眼
其心清淨除諸根株永令無餘離於自大無
有垢穢心性清淨而無所著以至誠眼逮見
佛眼捨心自在而不馳騁除去虛僞不安諸
疾衆結之黨以至誠眼達知義理進退所歸
其法淨者慧聖章句行無罣礙執御衆生建

立大哀割棄亂法諦度彼岸使無有罪所見
審諦親近道場無所依怙見乞求者不懷瞋
恨誨毀戒者護衆恨心將養懈怠其亂心者
爲現禪定其邪智者施以慧眼若失徑者顯
以正路志在小乘教以佛道微妙大法令入
普智順從正覺不廢神通是爲菩薩天眼徹
視無盡神通何謂天眼無盡神通以此天眼
普聞十方不可稱限諸佛世界所有形像天
龍鬼神捷沓和阿須輪迦留羅真陀羅摩睺
勒所說音聲人與非人言語所趣一切賢聖
諸佛聲聞緣覺言辭諸菩薩等所暢音聲以
此天眼咸悉得聞所聽了了無一蔽礙及復

察聞地獄餓鬼畜生音聲麼麼小蟲蚤蚤蚊
蜂虻拂音聲皆得聞之其心所樂善惡是非
皆從衆生口之所演悉亦知之口之所宣罪
福報應若有口說貪婬瞋恚愚癡繫縛或有
懷結口辭麤獷或口貪恚出現愚戇或口訥
鈍所說麤獷弊惡之言或口貪欲而演結染
或懷結怒演凶豎辭或懷愚冥口演駭癡或
有心性清淨和調口言壽張或口言善心性
懷害或口柔和心性安隱所說清淨或身口意
不相應者悉天目聽神通無礙皆曉了之以此
天目聞諸仁賢及諸不賢於賢不賢亦無所著
耳聽惡聲不懷憂感常興悲哀廣大慈愍若遇

惡聲致無極慈悉知去來現在衆生一切所
行達如審諦以此天耳聞十方佛所班宣法
輒能受持念之不忘如已所聞常樂道法察
如應器而訓誨之各令得所不但一及聞如
來法數數啓受無能妨廢使心退忘又其菩
薩本行道時皆從諸佛啓奉道教若干衆會
各各說法志察衆生諸耳所聽輒已自然演
其法教彼若群生識經義者聽所說法不識
義者不肯聽之假使耳根法界清淨其天耳
界聖慧清淨設使耳界自然淨者衆生亦淨
若察耳界隨其音聲文字言誼悉能聽了一
切衆生生在五趣傳若干響所語不同不可

稱載隨斯音暢而入說法其所聽者皆從真諦咸以勸助如來道耳不樂餘乘是為菩薩天耳所聽無盡神通也

阿差末菩薩經卷第四

周

泡音拋水一 睽失 暫染 如反 稱下 今去 用聲 秤反 巨上 稱正 不可下

平音 怨上 讎下 寬音 玩反 愚官 反也 局上 迳其 立直 豎豎 反豎 息立 也也

調上 戲反 徒上 吊音 芸上 若音 去下 汝者 反及 薩音 喘音 息音

軟反 貧下 匱下 求音 勞上 賚去 聲下 道下 徑音 定反

訊音 也二 同音 廣下 狹反 侯音 依下 怙音

麼音 麼音 莫音 可音 反音 蚤音 蚤音 正音 作音 蚊音


反音 正音 蚊音 蚊音 上音 巨音 支音 反音 下音 正音 作音 蜂音 球音 螻音 蛄音 長音 股音 小音

作蝻蝻二形
如蝻是也
語壽張

上竹周反
諡也
誦鈍

上奴骨反下徒困
反一詞澁也
誼理也
凶堅樹

駭癡
措上



猪飼頌良壽附

